

陋室铭

刘禹锡

山不在高、有仙则名。水不在深、有龙则灵。

以山水引起陋室。

斯是陋室、惟吾德

馨。

有吾德之馨香、可以忘室之陋。

苔痕上阶绿、草色入帘青。

室中景。

谈笑有鸿儒、往来无白丁。

室中人。

可以调素琴、阅金经。无丝竹之乱耳、无案牍之劳形。

室中事。

南阳诸葛

庐、西蜀子云亭、

孔明居南阳草庐。子云居西蜀、有玄亭。○引证陋室。

孔子云、何陋之有。

应德馨结。

陋室之可铭、在德之馨、不在室之陋也。惟有德者居之、则陋室之中、触目皆成佳趣。未以何陋结之、饶有逸韵。